



Broj: 03-12-Dž.H.N.-35765-OP/19

Datum: 09.12.2019. godine.

Na osnovu člana 22. Statuta Zavoda zdravstvenog osiguranja Kantona Sarajevo („Službene novine Kantona Sarajevo“, broj 4/00, 18/02, 30/08 i 1/12) (u daljem tekstu: Zavod), člana 69. stav 1) tačka b), člana 70. stav (1), (4) i (6) i člana 90. Zakona o javnim nabavkama („Službeni glasnik BiH“, broj 39/14), Procedure o javnim nabavkama Zavoda broj 01-01-S.T.-7703/19 od 18.02.2019. godine, Pravilnika o postupku direktnog sporazuma Zavoda broj UO/06-1-2-S.K.-13709/17 od 11.04.2017. godine, Odluke o pokretanju postupka javne nabavke broj 03-12-Dž.H.N.-35765-OPP/19 od 04.10.2019. godine i Zahtjeva za pokretanje postupka javne nabavke broj 03-15-35765/19 od 17.09.2019. godine, direktor Zavoda d o n o s i

O D L U K U

o poništenju postupka javne nabavke za nabavku obuke i treninga IT uposlenika Zavoda

I

Poništava se postupak javne nabavke putem direktnog sporazuma za nabavku „obuka i trening IT uposlenika Zavoda“ za potrebe Zavoda zdravstvenog osiguranja Kantona Sarajevo, pokrenut na osnovu Odluke o pokretanju postupka javne nabavke broj: 03-12-Dž.H.N.-35765-OPP/19 od 04.10.2019. godine, na osnovu člana 69. stav 1) tačka b) Zakona o javnim nabavkama.

II

Ova odluka će se objaviti na web-stranici Ugovornog organa www.kzzosa.ba istovremeno sa upućivanjem ponuđačima koji su učestvovali u postupku javne nabavke shodno članu 70. stav (6) ZJN.

III

Ova odluka stupa na snagu danom donošenja i čini sastavni dio dokumentacije o provedenom postupku.

O B R A Z L O Ž E N J E

Postupak javne nabavke putem direktnog sporazuma je pokrenut Odlukom broj 03-12-Dž.H.N.-35765-OPP/19 od 04.10.2019. godine sa procijenjenom vrijednosti od 6.000,00 KM bez PDV-a. Postupak se pokreće na osnovu Zahtjeva za pokretanje postupka javne nabavke broj 03-15-35765/19 od 17.09.2019. godine i Plana javnih nabavki Zavoda za 2019. godinu (član 2. stavka 21.) koji uključuje sljedeće akte: 1. Plan javnih nabavki Zavoda za 2019. godinu broj: UO/06-4-7133/19 od 20.02.2019. godine; 2. Odluka o dopuni/izmjeni Plana javnih nabavki Zavoda za 2019. godinu broj 01-03-UO-8-19416/19 od 31.05.2019. godine; 3. Odluka o izmjeni/dopuni Plana javnih nabavki Zavoda za 2019. godinu broj 01-03-UO-5-34027/19 od 16.09.2019. godine. Nabavka je predviđena u Planu od 20.02.2019. godine pod nešto drugačijim uslovima koji su naknadno izmijenjeni u Odluci o izmjeni/dopuni Plana od 31.05.2019. godine u skladu sa čim se nabavka provodi.

Poziv za dostavljanje ponuda broj 03-12-Dž.H.N.-35765-PDP/19 od 04.10.2019. godine je upućen sljedećim ponuđačima: Akademika d.o.o. Sarajevo, Lanaco d.o.o. Banja Luka i Logosoft d.o.o. Sarajevo.

Do isteka roka za dostavljanje ponuda 11.10.2019. godine, zaprimljene su dvije ponude ponuđača Akademika d.o.o. Sarajevo (u iznosu od 6.000,00 KM bez PDV-a tj. 7.020,00 KM sa PDV-om) i Lanaco d.o.o.

Banja Luka (u iznosu od 3.895.00 KM bez PDV-a odnosno 4.557,15 KM sa PDV-om). Ponuđač Logosoft je obavijestio Ugovorni organ putem e-maila od 10.10.2019. godine da neće učestvovati u postupku.

Dana 28.10.2019. godine se Ugovorni organ putem e-maila obratio ponuđaču Lanaco d.o.o. Banja Luka sa upitom za pojašnjenje ponude tj. sa upitom da li njihova ponuda sadrži vaučer za polaganje ispita jer isto nije bilo moguće nedvojbeno utvrditi iz ponude. Ponuđač Lanaco d.o.o. je dostavio svoj odgovor putem e-maila isti dan gdje je pojasnio da vaučeri nisu uključeni u ponudu.

Slijedom navedenog ponuda ponuđača Lanaco d.o.o. Banja Luka je ocijenjena kao neprihvatljiva jer nije ispunila zahtjeve iz Poziva na dostavljanje ponuda broj 03-12-Dž.H.N.-35765-PDP/19 od 04.10.2019. godine tj. ne uključuje vaučere za izlazak na ispit iako je u pozivu za dostavljanje ponude bilo definisano „Ponuđač je dužan da obezbijedi vaučer za jedan izlazak na ispit za stjecanje sertifikata koji je bio predmet obuke“. Dodatno, u ponudi Lanaco je navedeno da je vrijednost ponude 15 dana iako je u Pozivu bilo navedeno da „period važenja ponude treba biti 30 dana“.

Pristigla ponuda ponuđača Akademika d.o.o. Sarajevo je ocijenjena kao prihvatljiva s obzirom da je zadovoljila zahtjeve iz Poziva na dostavljanje ponude te je u okviru procijenjene vrijednosti.

Okončanje postupka tj. donošenje Odluke o prihvatanju ponude i zaključenje ugovora je bilo prolongirano u toku novembra 2019. do okončanja procedure registracije potpisa direktora Zavoda u sudu.

Ponuđač Akademika d.o.o. Sarajevo (tj. direktorica Amra Hidić) je kontaktirao Ugovorni organ pred istek opcije ponude (30 dana) sa informacijom da ponuđač Akademika d.o.o. Sarajevo neće moći da produži opciju ponude poslije 20.11.2019. jer je to jedini termin kad ponuđač organizuje VMware obuku.

Po okončanju procedure registracije potpisa direktora Zavoda, Ugovorni organ se obratio putem e-maila ponuđaču Akademika d.o.o. prvo 27.11.2019. pa onda i 03.12.2019. godine sa upitom o statusu njihove ponude tj. opcije ponude. S obzirom da ponuđač Akademika d.o.o. Sarajevo nije odgovorio ni na jedan od ovih e-mailova, usprkos telefonskim urgencijama, Ugovorni organ je zaključio da ponuđač Akademika nije više u mogućnosti da pruži predmetne usluge.

Shodno gore navedenom, a na osnovu člana 90. ZJN odlučeno je kao u tački I ove Odluke.

DIREKTOR

Sakib Katana, dipl. oec.

Objaviti na:

- na www.kzzosa.ba;
- Portal EJN;
- Baza javnih nabavki KS.

Dostaviti:

- Ponuđačima (e-mail);
- Sektoru/sluzbi podnosiocu nabavnog zahtjeva (Sluzba opštih i tehničkih poslova);
- Sluzba za nabavke;
- A/a.